



## Aningaasanut Nunanullu Allanut Naalakkersuisoq

**Aningaasaqarnermut Ataatsimiititaliap suliaq 01.31.06/07-00268 pillugu ulloq 15. august 2007-imi aalajangiinera pillugu Naalakkersuisunut ilisimatitsineq.**

(Naalakkersuisut siulittaasuata ulloq 12. juli 2007-imi aalajangiinerani imm. 2)

**Sisimiuni entreprenørinut aatsitassarsiornermullu ilinniarfiup kiisalu Qasigiannuani efterskolip pilersaaruserneqarnerat.**

Naalakkersuisut **inassutigaa**,

- kontomi pingaarnermi 84.40.09-imi, Inuusutissarsiuutigut ilinniartitaanermut tunngasumi, suliasamat nr. 080.51.010-mut, Sisimiuni entreprenørinut aatsitassarsiornermullu ilinniarfimmu tunngasumut, aningaasaliissutit 1.000.000 koruunik amerlineqassasut.
- kontomi pingaarnermi 84.40.18-imi, Atuarfimmu sanaartugassanut allanut tunngasumi, suliasamat nr. 110.59.002-mut, Qasigiannuani efterskolimut tunngasumut, aningaasaliissutit 500.000 koruunik amerlineqassasut.
- kontomi pingaarnermi 80.00.01-imi, Nuussinissanut sillimatinut tunngasumi, aningaasaliissutit 1.500.000 koruunik ikilineqassasut.

### **Aningaasaqarnermut Ataatsimiititaliap oqaaseqaatai**

Sisimiuni entreprenørinut aatsitassarsiornermullu ilinniarfiup kiisalu Qasigiannuani efterskolip pilersaaruserneqarnissaannut aningaasat 2008-mi aningaasanut inatsisissatut siunnersuummi kontomi pingaarnermi 80.00.00-imi, Sanaartornermut atugassanut agguanneqanngitsunut tunngasumi, immikkoortinneqarsimapput.

Suliasalli piaartumik aallartinneqarnissaat siunertaralugu suliasat taakku marluk pilersaaruserneqarnissaannut aningaasanik ukioq manna immikkoortitsisoqareernissaa Naalakkersuisut siunnersuutigaat. Tamanna naapertuuttut Aningaasaqarnermut Ataatsimiititaliamit isigineqarpoq, taamatummi iliuseqarnikkut 2008-mi piffissap sanaartorfussap pitsaanerpaamik atornerqarnissaa qulakkeerneqarsinnaamat.

Minnerunngitsumilli efterskolemut tunngatillugu sanaartornermut aningaasartuutissat qinnuteqaat naapertorlugu 36 mio. kr.-it missaanniittussatut isumaqatigiissuteqarnikkut aalajangersarneqarsimasut ataatsimiititaliamit maluginiarneqarpoq. 2008-mili aningaasanut inatsisissatut siunnersuummi 31 mio. kr.-iinnaat suliasamat immikkoortinneqarsimapput. Amigaataasorinartullu 5 mio. kr.-iusut itisilerutaasumik nassuiaatigeqqullugit Naalakkersuisut ataatsimiititaliamit qinnuigineqassapput. Aningaasanut inatsisissatut siunnersuutip julip qiteqqunnerani naammassineqarneranit aningaasaliissuteqarnissamillu qinnuteqaatip julip naanerani nassiunneqarneranut piffissami taamatut akitsoriaat suliasamat "ilisarnaataassanngitsoq" ataatsimiititaliap neriuutigaa!

Efterskolep atuartunut 80-inut naatsorsuussaanera ataatsimiititaliap maluginiarpa. Tamatuma saniatigut illoqarfiit arlallit efterskoleqarnissamut kissaateqarsimagaluartut, illoqarfiilli pineqartut aningaasatigut killigititassatut immikkoortinneqaaqartut iluini pilersaarummik saqqummiussisimangitsut ataatsimiititaliamit ilisimaneqarpoq. Tamatuma saniatigut ilisimasat naapertorlugit sanaartugassatut pilersaarutit saqqummiunneqartunut tamanut aningaasanik qinnuteqartoqarsimavoq.

Tassunga atatillugu piukkullutik Qaqortumi, Sisimiuni (Kangerlussuaq), Qasigiannuani Tasiilamilu pilersaaruteqartut pillugit skemannorlugu takussutissiaq ataatsimiititaliamit qinnutigineqassaaq. Pilersaarutitut ataasiakkaanut atasumik sanaartornermut taamatullu ingerlatsinermit aningaasartuutissatut naatsorsuutigineqartut takussutissiami takusassiarineqassasut qinnutigineqarpoq. Tamatuma peqatigisaanik 2009-mi ukiunilu tulluuttuni tamani nunatsinni efterskolimi inissanik 80-inik pisariaqartitsisoqarnera qanoq naatsorsorneqarsimanersoq immikkut paasissutissiissutigeqquneqarpoq. Sulisussat ilinniarsimasut kajumilersinneqarnissaannut sulisoriinnarniarnissaannullu periarfissat Naalackersuisunit qanoq pingartinneqarsimatiginersut kiisalu nunatsinni efterskoliusussaajumaartup Qasigiannuani inissinneqarnissaanni pinngortitami sukisaarsaarfiusinnaasut atortorissaarutisillu qanoq ittut Naalackersuisunit piukkulluinnarneqarsimanersut paasissutissiissutigineqassasooq kissaatigineqarpoq.

Kiisalu efterskoliliornissamut pilersaarutip aningaasaqarnikkut sinaakkutitut pigineqartunut naleqqussarneqarnissaani periarfissat suut Naalackersuisunit isumaliutigineqarsimanersut paasissutissiissutigeqquneqarpoq.

Entreprenørinut aatsitassarsiornermullu ilinniarfimmu immikkut tunngatillugu sanaartornermut aningaasartuutissat qinnuteqaat naapertorlugu 26,2 mio. kr.-it missaanniittussat isumaqatigiissuteqarnikkut aalajangersarneqarsimasut ataatsimiititaliamit maluginiarneqarpoq. Taamaattorli pilersaarummut 2008-mi aningaasanut inatsisissatut siunnersuummi 48 mio. kr.-inik immikkoortitsisoqarsimavoq. Nikingassut 22 mio.-it missaanniittup maskiinanik atuarfimmu pisinissamut atorneqarnissaa ataatsimiititaliamit naatsorsuutigineqarpoq.

Pilersaarummut aningaasaliussat qinnuteqaammi matumani pineqartut pilersaarutitut marluusunut aningaasaliissutitut 2008-mi aningaasanut inatsisissatut siunnersuummi allassimasutut peerneqassasut naatsorsuutigineqartariaqarput.

### **Aningaasaqarnermut Ataatsimiititaliap aalajangiinera**

Naalackersuisut inassuteqaataat Aningaasaqarnermut Ataatsimiititaliamit **akuersissutigineqarput**. Apeqqutitut siuliani allassimasunut Naalackersuisut akissuteqaataat ullumimit ullut 14-it qaangiutsinnagit kalaallisut danskisullu nuutinneralu qarasaasiakkut uunga nassiuunneqassasut qinnutigineqarput: [nch@gh.gl](mailto:nch@gh.gl)

Inussiarnersumik inuulluaqqusillunga

Augusta Salling  
Aningaasaqarnermut Ataatsimiititaliap siulittaasua

